



## Cussì è nata l'isula

U signuri era stancu, s'era pusatu,  
u jornu primma u mondu avia criatu;  
era pinzendi a tutti i sò lavori  
e c'ù mandillu si pulia u sudori.

Ma s'era missu in mezzu a una correnti  
di sciroccu, libecciu e di punenti;  
nun si vidia, e accesi dui fanali,  
era a bonifacio, un do canali.

-Stu sciurinu m'entra sinu all'ossu,  
qui ghi voli un pocu di ridossu!-  
Dittu quistu si metti un pò a circà  
quarcosa che putissi arridussà.

Ti piglia una manata di diamanti  
e se li jetta propriu da davanti,  
fendi cussini un tamantu bloccu  
a proa di punenti e di sciroccu.

Poi di smeraldi ghi n'avia un cavagnu  
e ghi li lampa intornu, tutti a bagnu,  
e pè daghi di luci un pò di jocu,  
da u soli ghi strizza un pò di focu.

Avia finitu ma nun ghi piacìa  
perchè suffittu ancora nun g'avìa;  
penza e ripenza a cosa duja fà,  
e poi a Mamma è andatu a dummandà.

A Madonna subito ha accittatu,  
e livendisi u mantellu ghi l'ha datu;  
Iddhu l'ha stesu supra comm'un telu,  
e cusì g'avìa fattu puri u cielu.

Era cuntentu; pò avìa pinzatu  
chi ancora un nommi nun g'avìa datu,  
e dopu un assemblea in Paradisu,  
livendi a seduta avìa decisu:

Era u nommi più bellu du Criatu,  
u scogliu "Maddalena" l'ha chiammatu.

*Mario Boccone*

